

Bosna i Hercegovina
Federacija Bosne i Hercegovine
Bosansko-podrinjski kanton Goražde
VLADA KANTONA

Broj: 03-~~11-557-2~~ 124
Goražde, 25.03.2024.godine

Na osnovu člana 42. Zakona o izvršenju Budžeta Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 16/23), a u skladu sa Programom utroška sredstava Vlade sa ekonomskog koda 614 100 Tekući transferi drugim nivoima vlasti, broj: 03-11- 557-1/24 od 14.03.2024. godine, Vlada Bosansko-podrinjskog kantona Goražde, *raspisuje*:

JAVNI POZIV
za prijavu prijedloga projektnih aktivnosti za učešće u Programu utroška sredstava
Vlade Bosansko - podrinjskog kantona Goražde sa ekonomskog koda
614 100 – Tekući transferi drugim nivoima vlasti

I. Predmet javnog poziva

Predmet javnog poziva je dodjela novčanih sredstava za pomoć realizaciji projekata jedinica lokalne zajednice (općina) i Grada Goražda u Bosansko - podrinjskom kantonu Goražde, a što je osnovni cilj Programa utroška sredstava Vlade Bosansko-podrinjskog kantona Goražde sa ekonomskog koda 614 100 – Tekući transferi drugim nivoima vlasti (u daljem tekstu: Program).

II. Pravo prijave na javni poziv

Pravo prijave po jednog prijedloga projektnih aktivnosti na javni poziv imaju niži nivoi vlasti sa području Bosansko-podrinjskog kantona Goražde (općine i Grad Goražde) koji ispunjavanju opće i posebne ciljeve programa.

III. Kriteriji za raspodjelu sredstava

Opći uslovi i posebni uslovi

Sredstva iz budžeta će se dodjeljivati korisnicima srazmjerno njihovom doprinosu ostvarivanju opštih i posebnih ciljeva i očekivanih rezultata programa.

Opći uslovi za učestvovanje u Programu

Opći uslovi za učestvovanje u ovom programu su:

1. Kvalitet projekta i usaglašenost istog sa Strategijom razvoja Bosansko-podrinjskog kantona Goražde za period 2021-2027.godina;
2. Vlastito učešće u finansiranju projekata u iznosu do minimalno **20 %**;
Izuzetno, ukoliko Vlada ocijeni opravdanost projekta, a zbog nedostatka finansijskih sredstava nižih nivoa vlasti njegova realizacija bi bila upitna, odlukom Vlade BPK Goražde navedeni minimalni iznos učešća se može umanjiti ili osloboditi obaveze učešća.
3. Implementacija projekta je na području Bosansko-podrinjskog kantona Goražde;

Posebni uslovi za učestvovanje u Programu

Posebni uslovi za učestvovanje u programu su da se projekti odnose na:

1. Poboljšanje infrastrukture i uslova života stanovništva Bosansko-podrinjskog kantona Goražde.

Pod poboljšanjem infrastrukture podrazumijevaju se projekti koji se odnose na rješavanje infrastrukturnih projekata u oblasti putnih komunikacija, vodosnadbijevanja, te drugih infrastrukturnih projekata od značaja za općine i Grad Goražde.

Pod poboljšanjem uslova života stanovništva Bosansko-podrinjskog kantona Goražde podrazumijevaju se projekti koji se odnose na poboljšanje uslova smještaja i stanovanja, projekti utopljanja i energetske efikasnosti, te drugi projekti za koje Vlada Bosansko-podrinjskog kantona Goražde procijeni da utiču na poboljšavanje uslova života stanovnika Bosansko-podrinjskog kantona Goražde. Vlada Bosansko-podrinjskog kantona Goražde će objaviti javni poziv, koji će zbog specifičnosti programa biti otvoren do 20.12.2024. godine.

Prijedlozi projekata sa visinom sredstava dostavljaju se od strane općina i Grada Goražde Vladi Bosansko-podrinjskog kantona Goražde u aplikativnoj formi najkasnije do 20.12.2024.godine. Aplikativni formular sastavni je dio ovog Programa.

Odluku o odobravanju sredstava donosi Vlada Bosansko-podrinjskog kantona Goražde nakon čega će se zaključiti ugovor o sufinansiranju do odobrenog iznosa.

IV. Odabir korisnika i dodjela sredstava

Sve dostavljene prijedloge projektnih aktivnosti razmatra, ocjenjuje i donosi konačnu odluku Vlada Bosansko-podrinjskog kantona Goražde.

V. Obrazac prijave

Obrazac prijave je sastavni dio Javnog poziva.

VI. Preuzimanje Javnog poziva

Javni poziv sa obrascem prijave može se preuzeti na internet stranici Vlade Bosansko - podrinjskog kantona Goražde www.bpkg.gov.ba te u prostorijama Ureda Premijera i Vlade Bosansko - podrinjskog kantona Goražde (ulica 1. Slavne višegradske brigade 2a)

VII. Rok za podnošenje prijava

Ovaj Javni poziv je otvoren do 20.12.2024.godine, i prijave se dostavljaju na adresu:

**Bosansko – podrinjskog kantona Goražde
Vlada Bosansko-podrinjskog kantona Goražde
(Komisija za pregled i ocjenu prijedloga projektnih aktivnosti)
1. Slavne višegradske brigade 2a Goražde**

VIII. Način objave

Javni poziv se objavljuje na zvaničnoj internet stranici Vlade Bosansko – podrinjskog kantona Goražde kao i oglasnoj ploči Kantona.

Zainteresovana lica za dodatne informacije u vezi sa realizacijom Javnog poziva mogu dobiti u Uredu Premijera i Vlade Bosansko - podrinjskog kantona Goražde na telefon: 038/221-212.

Vlada Bosansko - podrinjskog kantona Goražde zadržava pravo poništenja ovog poziva do odabira korisnika sredstava, bez obaveza pismenog ili usmenog obrazloženja kao i bez obaveza snošenja troškova za podnošenje zahtjeva po ovom pozivu.


SEKRETAR
Emir Sijerčić dipl.iur.